

Maman!

IDEIS PE LETURE



Progjet promovût di 'Il Friuli' e 'ARLeF'

P. Geremia,
"Bundì a ducj",
golaine "Free&Ulli",
Futura Edizioni,
2018.

ZÛCS

Seguìs lis indicazions
par che Penny e sedi
pronte pal Carnevâl:

- dissegne un biel prât vert sot di Penny;
- dissegne une âf parsore de rose zale;
- dissegne une moscje parsore de rose blu.

E tu? Sêstu pront/e par lâ in mascare?

LIS AVENTURIS DI VIGJI E LUMI

CJÂR DIARI,

shhh! O soi platât sot dal
sofà e no ai chê di fâmi viodi
de parone. Shhh! E à di vê
organizade une fieste pal inizi
dal Carnevâl! In cjase a jentrin



Fotografie di Monica Dalla Lana

oms e
feminis
cun
frutins
picinins: bie
i fruts sì, ma
parcè le àno
sù cu la mê code? Ce crodino,
che e sedi fate di plastiline?
Cun di plui, mi tirin ancje lis
mostacjis!
Cumò o viôt che a jentrin i
invidâts. Oh, marissante! A son
vistûts di surisins, di poleçuts,
di purcituts. Daûr di ducj –
biadine! – e mene la code une
cjice di non Penny, mascarade
ancje jê. Mi domandi jo: parcè
ise tant contente vistude di
cuninute?
Joi, miôr se o resti ancjemò
platât.
Shhh!
Maman!
Il to Vigji



Fotografie di Monica Dalla Lana

Tant par ridi

Une frutine e viôt Pierut cuntun
gjat bielnonon intal braç, e i
domande:

"Ce biel gjat, isal mascjo
o mascje?" E Pierut:

"Mascjo, no viodistu che al
à lis mostacjis?"



LU SAVEVISO CHE...?



■ "A Carnevâl
ogni mateç al
vâl!". Duncje,
libere la tô
fantasie e
partecipe a chest
moment di fieste!
Tal Cjanâl di Resie,
a Carnevâl si bale
a plui podê!

Maman! Tantis
sorpresis ogni
setemane.
Us din
apontament su

telefriuli



Vinars aes 5.45 sot sere

Pagjine curade di Daria Miani
e dal Sportel Regjonâl
pe Lenghe Furlane de ARLeF

ARLeF
AGJENZIE
REGIONÂL
PE LENGHE
FURLANE